

Եւ որ հասոյթքն են՝ սահմանեալք 'ի Ս. Աթոռոյդ և 'ի ձեռնտուութենէ՝ լրութեան ազգիս 'ի կոստանդինուպօլսոյ կամ՝ արտաքուստ, հազիւ բաւեն յօր ըստ օրէն պիտոյս: Իսկ պարտիք շինութեան, եթէ վստահ 'ի հասոյթմն լինիցիմք ցայս վայր հայթայթեալս, յաւիտեան մնացեն անվճարելիք: Եւ անմարթ է ծանրաբեռնել 'ի վերայ ազգիս և զայս բաժ 'ի վճար պարտուցն. որ ոչ դոյզն ինչ է, որպէս տուժար հաշուին ակներեւ ցուցանէ զամենայնն. քանզի տուրք ծանրացեալ են 'ի վերայ ազգին և ծանրանային օր քան զօր. տուրք բազմատեսակք թէ 'ի քաղաքական սակի, և թէ յազգային, և այս եւս բաժին յաւելեալ յամենայնին վերայ. քամէ զոյժ նոցա առ հասարակ, և զամենեցուն բերան բանայ 'ի տրտունջ ծանր, եւ ուսմանց հետեւութիւն ատելի յոյժ լինի այնուհետեւ առ մեծամեծս և առ փոքունս:

Առ այս խորհուրդ կալեալ ազգովին պատշաճ դատեցաւ, Սրբոյ Աթոռոյդ սեպհականել և զայս պարծանս ազատելոյ զձեմարանս 'ի պարտուց անտի շինութեան, որ այլազգ անվճարելի է: Վասն այսորիկ ձեռամբ Բարձր արժանապատիւ Փոխանորդի Ս. Աթոռոյդ Տ. Յովհաննու Արքեպիսկոպոսի, դրամ գումարի պարտուցն երեք հարիւր եօթն հազար զուրուշ ընկալեալ եղեւ աստ ամբողջ 'ի Սինեօր Զիչինեա Բանտեա վաճառականէն, եւ տուաւ նմա թուղթ Փոլիցայի յանուն Ս. Աթոռոյդ, վճարելի առ եղբայր նորա Սինեօր Իստիֆանաքի Զիչինեա վաճառականն ընկեալ յԱզէքսանդրիա, երեսուն և մի աւուրքք յետ տեսութեան Փոլիցային: Աներկբայ գիտեմք, զի որպէս առաջին ստտարող դատայք դործոյս, ոչ ինչ վերջնայք 'ի ձեռընկալութենէ աստի: Ընկալլիք և զստորագրութիւն մեր աստանօր 'ի ցոյց հաւանութեան մեր ամենեցուն ընդ պատշաճութիւն խորհրդոյդ: Ողջ լերուք յաւերժ կենօք 'ի փառս ազգիս, և 'ի պարծանս Ս. Աթոռոյդ, (յ30 Մայիսի. 1839):

Գարրիէլ Եպիսկոպոս Նիկովիզացին, Պատրիարք Ս. Աթոռոյն Երուսաղէմի՝ հասեալ 'ի լարուք ծերութիւն՝ վախճանեցաւ ('ի 25 Ապրիլի, 1840) և թաղեցաւ 'ի վանս Ս. Փրկչի 'ի կարգս Պատրիարքաց, կրելով զանուն Պատրիարգութեան եւ եթ զամս 21, կացեալ 'ի վտարանդութեան